

國
朝
詞
綜
補

國朝詞綜補卷二十一

無錫丁紹儀杏舫輯

邵葆祺 二首

王德修 一首

李宗傳 一首

侯雲松 一首

吳 蘊 一首

程同文 二首

蔡嚮揚 二首

張惠言 四首

吳榮光 三首

朱 淥 一首

錢 枚 四首

盛大士 一首

陸繼輅 一首

程定謨 四首

吳嵩梁 四首

陳咸慶 二首

金衍宗 三首

鄧廷楨 五首

陳嵩慶 一首

孔昭虔 二首

葉紹本 五首

歐陽炯 一首

宋翔鳳 五首

樂鈞 八首

邵葆祺 字壽民大興人嘉慶元年進士官吏部員外郎有精禪詞

好事近

曲項舊琵琶記聽玉盤珠落又見玉人纖指壓當場絃
索一聲水調暮江秋秋鬢已非昨賸有青衫餘淚爲
膽娘拋卻

虞美人

天涯詞客飄蓬慣。筆借江花暖。也知煙月了無痕。祇覺
揚州依舊占三分。野塘處處鴛鴦偶。冷蝶惟增瘦。渭
城歌罷向燕臺。從此雙心一影。渺紅埃。

王德修

字榕亭上元人
嘉慶元年進士

畫錦堂

送袁蘭村之官揚州

柳眼舒青。梅妝褪粉。燕臺吹聚風萍。莫悵論交。稍晚喜
訂新盟。聲華爭推蘇叔黨。詞源直溯玉田生。還堪羨。承
蓋扶輪。伊誰不飲香名。心驚。驪唱起。鄉園近。何時尊
酒重傾。此去康衢穩步。倒屣爭迎。二分明月。應如舊。玉
鉤斜接綠楊城。煩問取。二十四橋在否。多少簫聲。

李宗傳

字海騷桐城人嘉慶三年舉人官湖北布政使

燭影搖紅

根觸無端倚聲寄慨

靜掩重門問人直恁禁憔悴空堂獨自對殘燈悄聽蓮
籌遞已是遣愁無計更何堪秋聲四起幾番消受落葉
敲窗哀蛩吟砌吹斷瓊簫畫樓遙隔千峰翠碧溪空
自湧清流幽恨憑誰洗盼斷塞鴻天際恐書來也無歡
意幸他良夜金鴨香濃玉鶯衾膩

侯雲松

字青甫江甯人嘉慶三年舉人官歙縣教諭

金縷曲

題車子尊秦淮畫舫錄

萬片鴛鴦瓦覆雙雙蜂媒蝶使鶯哥燕姐苦向情天求

比翼畢竟鸞單鵠寡賺千古淚珠盈把一捧當頭勤喚
醒向癡蟲膜拜宜般若聽古寺曉鐘打 尋春懶繫章
臺馬廿年來鴻賓雲散罷談風雅今日重披金粉錄無
那紅嬌綠冶爲坐到香消燈炮勝展題名牌記讀判雲
泥多少升沈者塵世事半真假

吳

蘖

字山尊全椒人嘉慶四年進士官侍講

一萼紅

陳研湖招同伯淵月潭讌集倚雲閣

似煙輕籠一株瓊樹不損月華清菊自無言花原解語
出塵標格天成誰省識紅樓夢好徧情天情海恨多情
喚起晨雞教陪語燕莫打啼鶯 羨煞詩人無已惜閉

門覓句掌上孤擎玉笛詞吹繡鞋板拍零星細數歌塵
幸邀得劉楨平視恰臨流雙眼望盈盈計日舊遊重問

桃葉能迎

程同文

字春廬桐鄉人嘉慶四年進士官奉天府丞

水龍吟

燕京梳妝臺金章宗爲李宸妃建也

塔邊不斷香雲妙鬢彷彿餘宮樣遺踪指點瓊華天半
高樓曾傍似月人兒盈盈相並那時飛上正殘妝睡起
鏡跌雙鳳許偷眼朝朝向 舊事升沈一晷度虹橋迴
鞭凝望珍禽樹底泠泠猶學隔紗音亮照影明湖早流
盡了粉瀾脂浪問捲簾何處東風無語有楊花蕩

月華清 蘋婆菓

珍餉甘分飢筵香擘燕南絕勝風味淺綠輕紅襯出肌
膚玉膩贈伊名佛也多情爭拈得相思兩字猶記是黃
姑津畔靈根謫世 憶見素花簪髻早露飽煙酣摘殘
秋翠小劫罡風護過春頭臘尾愛掌搓替月能圓憐齒
齧融霜微脆函子待歸種家園配他青李

蔡鑾揚

字浣霞桐鄉人嘉慶四年進士官延平知府

浪淘沙

白丁香

第一可憐花如水年華斷腸小玉已無家碎雨零煙暉
不盡後夜琵琶 人隔幾重紗丁字簾斜同心結子在

天涯前度素娥今去遠門外香車

金縷曲

題黃仲則詞卽用集中韻

襟抱何疎放最堪悲有才無命古今相望字字西陵新
樂府擬鑄佛身無量奈落葉哀蟬惆悵一片棠梨香土
外早漆燈和淚深深葬光不定夜珠蕩直須位置瓊
樓上舞天風砑光帽側蒼涼情況朱墨消沈仙蠹死漫
道白衣無恙誰問訊舊家門巷喚起秋魂江北路拍紅
牙月冷流蘇帳彈古調瘦銅響

張惠言

字皋文武進人嘉慶四年
進士官編修有茗柯詞

相見歡

新鶯啼過清明有誰聽
何況朝風夜雨杜鵑聲
留春
住催春去若爲情
賸有畫梁雙燕語
惺惺

南鄉子

身與白雲輕飛過
千山路未平
窗裏燈光窗外月微明
遠夢模糊卻易醒
已有亂蛩鳴
聽到西風又暗驚
纔屋青荷千萬柄
三更都作芭蕉送雨聲

雙雙燕

滿城社雨又喚起無家
一年新恨花輕柳重
隔斷紅樓
芳徑舊壘誰家堪認
更生怕主人相問
商量多少雕簷
還是差池不定
誰省去年春靜
直數到今年絲魂絮

影前身應是一片落紅殘粉不住呢喃交訊又惹得鶯
兒閒聽輪與沙上鴛鴦日日闌前雙眼

木蘭花慢

楊花

儘飄零盡了何人解當花看正風避重簾雨迴深幕雲
護輕幡尋他一春伴侶只斷紅相識夕陽閒未忍無聲
委地將低重又飛還疏狂情性算淒涼耐得到春闌
便月地和梅花天伴雪合稱清寒收將十分春恨做一
天愁影繞雲山看取青青池畔淚痕點點凝斑

吳榮光

字荷屋南海人嘉慶四年進士官湖南巡撫有筠清館詞

高陽臺

招唐陶山孫平叔遊張氏園亭和陶山韻

露氣猶鮮風浪初定四圍山翠當筵磴轉峯迴沿厓聽
到新泉綠陰一道延緣去問青雲得路誰先浣塵襟坐
向盤陀迥向漪漣多慚野外無供給但蟬聲嘒樹鳥
語窺簾試吸筍杯披襟人在樓前江瑤荔子剛攜得較
風情玉脆珠甜喜歸來萬瓦鱗鱗又起炊烟

暗香

六月二十四日題畫盆中紅蓮花次玉田韻

貯將靚色正翠羅圓罩紅紗單密歸夢迢迢珠女珠兒
記曾識悄入江南畫裏慢怱悵目成心憶怡坐向消夏
筵中嫩灑粉痕溼迎立倚風側似試舞翠盤又逢生
日滿泓玉液出浴餘香注波碧歎息佳人絕代誰更譜

紅鹽昔昔待好月來照也畫闌一笛

憶舊游

拜李鄴齋方伯祠

記秋風歸棹六鶴堂開照我壺冰曾幾番傳舍遇含沙
影急逝水身輕如公一死何懟死後骨猶清但回首題
襟痛心磨鏡來拜祠庭 英靈憶前事正飛章奏到動
色盈廷多少呼冤淚有萬人如海擁駐雙星 天聽久
從民聽昭雪慰幽冥望寶璐文螭椒漿慟哭衢路聲

朱

淥

字意闌山陰人嘉慶四年進士官臨江知府

洞庭春色

橘

萬顆含霜千頭凝露生小江鄉看翠罍釀就幾分春色

黃金鑄出。一點秋光。最是園林新摘後。更探向懷中。指
爪香。回頭望。賸寒煙幾樹。紅飽斜陽。黯銷魂何處。
愁不渡。淮水波長。記封侯干戶。奴真揮霍。彈棋一局。叟
更徜徉。漫笑寒酸留齒頰。只富貴神仙。味徧嘗。誰知己。
嘆靈均。頌後。風韻蒼涼。

錢

枚

字謝庵。仁和人。嘉慶四年進士。官吏部郎中。有微波詞。

臨江仙

九十日春將盡。一千里路相思。江南客到落花時。殷勤
開短札。懊惱唱新詞。聞要天涯遠去。風前別淚先垂。
一番惆悵。一番癡行。期還未定。急爲問歸期。

浣溪紗

春風吹夢引閒情，夢裏從他過。一生最無能耐，是雞聲人爲傷心。才學佛花如解語，定憐卿一番閒話。記分明。

金縷曲

題石砮女土司秦良玉遺像

明季西川禍自秦中飛來，天狗毒流，兵火石砮，天生奇女子，賊膽聞風先墮。早料理夔巫平妥，應笑督師無將略。念家山，只怕荆襄破，妾男耳妾之可。蠻中遺像誰傳播。想沙場弓刀列隊，指揮高坐。一領錦袍，殷戰血，襯得雲鬟婀娜。更飛馬桃花一朵，展卷英姿，何颯爽論同。

名愧煞甯南左軍國恨尙眉鎖

瑣窗寒

粵中白蘋花大如盃何丈春渚自揚州小玲瓏山館攜歸賦詞索和

澹影羞煙低枝怯水娉婷如許欲開還未須待日高停
午漫催他惺忪倦眸曉涼難得芳心吐比蓮花還瘦三
分爭耐一天風露 記到茗溪路祇瘦蠹蓮汀冷鷗菱

浦柳暉工吟渾未見者般風趣羨騷人禁得清愁縮將

一把蠻煙住怕揚州花月繁華合伴半灣秋樹何丈居
枯樹灣

盛大士

字子履號蘭雪鎮洋人嘉慶五年
舉人官山陽教諭有琴竹山莊詞

多麗
落花

甚朝來無言黯黯傷神繞簾旌鑑煙細裊溶溶院宇黃

昏倚蕉陰濃還欲滴鎖苔翠澹不成痕香送餘寒人扶
殘醉彩雲深處掩重門今宵是可憐宵也留伴可憐人
悵明日春韶如夢春夢如塵太淒清閒花不語憑誰
招取芳魂未消除平生綺業難排遣寂寞良辰一瞬光
陰十年情緒尊前青鬢易如銀回頭望殘紅狼籍風色
上津亭有多少天涯倦客遠道王孫

陸繼輅

字祁孫陽湖人嘉慶五年舉人官貴溪知縣有清鄰詞

鬲溪梅令

蝴蝶

一庭紅雨落難收。溼春眸。記取雙飛。切莫傍簾鉤。有人
簾內愁。歸期欲訂又還休。暫勾留。此去知他。能否更

經秋年華似水流。

程定謨

字心宇昭文人嘉慶五年舉人
官廬江訓導有小書舟樂府

菩薩蠻

夢兒剛要天涯去游絲數尺輕縈住悽絕隔花鶯無端
啼一聲新來誰聽汝切莫人前語且坐綠楊中一枝
搖軟風

青玉案

苔茵綠徧無人徑正獨把愁支領酸透腰肢渾似病風
絲做暖雨絲做冷冷暖徧無定袂衣初試寒猶緊欲
換還慵幾回忍夢蝶一雙癡未醒花飛無跡絮飛無影

簾外煙將暝

鷓鴣天

雨細燈昏鎖綺寮
春水鐵馬響清宵
紅緘花意寒猶力
翠溼溪痕淺未消
煙夢短水吟遙
畫船曾艤綠楊橋
分明影事鴛鴦冷
還記情波卅六條

八聲甘州

春陰

蕩簾波一片翠模糊
輕陰淡霏霏
問春痕幾許
雕闌四面昏曉都迷
道是養花天氣
花影沒些兒
暗裏番風換
誤了芳時
幾度似傳晴意
奈遙空閣住
不見游絲
只汀煙如墨
濃壓畫簷低
閉窗紗煖香沈
碧夢醒來疑是

夕陽西無憑準聽紅樓外兩樣鳩啼

吳嵩梁

字蘭雪東鄉人嘉慶五年舉人
官黔西知州有香蘇山館詞

浪淘沙

題徐閬齋蘭影圖

花氣雪肌膚豔影難摹月明潮暗記曾無舊日歌喉今
日淚都是珍珠 小病費支吾夢也模糊懨懨酒半又
茶初一夕秋荷紅盡脫瘦了西湖

又 秋夜聽曲

何處玉玲瓏徑轉廊通尋聲直到畫闌東月又不明簾
又暗燈影微紅 繡榻亂書叢人坐當中一篇新譜教
纔工誰信桂花庭院裏立盡斜風

菩薩蠻

題郭頰伽盟鷗圖

一江秋水銷魂碧，垂楊疎蓼都蕭瑟。
新句得來遲，白鷗先已知。
石溪西畔路，是我尋盟處。
夢裏昨還家，扁舟搖落花。

金縷曲

連理軒圖爲唐陶山作

白下聯吟處，最難忘珠簾低亞，玉枝交互猜。
是海棠開又錯，已算佳人遲暮，莫更被東風耽誤。
桃葉桃根同日嫁，怕等閒吹作胭脂雨。
倩圖畫，縮春住。開花結子知無數。
早醞釀酒人滋味，詩人情緒，聽說青山名字好。
仙客也，增酸楚。
見李太白詩想別後連枝如故，縱讓芙蓉開並。

帶總一般紅豆相思樹爲君續斷腸句

陳咸慶

字雲柏海鹽人嘉慶五年舉人
官睢甯知縣有紅蕉山館詞

百字令

題陳冀子所得廢塚中方鏡云墓博有天
康年字蓋陳以前物和姚半林韻

向方諸問認陳官何處一溪煙繞金粉南朝佳麗甚况
有新詞傳寶璧月多情瓊枝長伴莫把山河照景陽鐘
冷祇應依舊娟好那更荆棘銅駝菱花吹落埋沒隨
秋草說與千年興廢事爭奈都無分曉何苦江心元水
鑄出催得青天老鍾山黛綠壓衣妝鏡如抱

金縷曲

慰嚴小秋悼亡化蝶尋君恨路生君夫人
句也

霜葉寒階走盪迴腸檀槽招斷釭花吟瘦蘇小鄉愁根

觸易客裏幾番回首又賦徧白門楊柳木落淮南秋老
矣問明湖眉黛爭如舊羈屑感此時候 淚痕紅檢青
衫透儘神傷華年錦瑟涼蟬哀奏一翦香魂真化蝶何
處更尋珍偶除再世鴛幃同守紙閣蘆簾空好在奈輕
雲易散花難久無限恨向誰剖

金衍宗

字岱峰秀水人嘉慶五年舉
人官永嘉教諭有思貽堂詞

浣溪紗

七夕有感

簷外纖纖月子臨金風瑟瑟院深深畫屏銀燭嫩涼侵
癡想鵲橋填就石穿鍼人立藕花陰十年前事費思

尋

滿江紅

題徐芝楣茂才湖東書屋圖

跌宕湖山知不少風亭月榭羨幾度吳根越角輕帆催
挂積雪花看香海湧畫眉泉聽飛流瀉宛小紅低唱和
吹簫垂虹夜三萬頃玻璃研七十朶芙蓉亞認圖中
景物煙雲俱化有約鱸鄉尋舊夢相逢鴛渚聯情話更
風流結箇海棠巢開吟社

金縷曲

友人以易惹人愁是夕陽句繪圖囑題爲賦是解

午夢醒猶未漸消磨如年永晝亂蟬聲裏凝望深林明
晚照林外碧雲無際曠天末餘霞成綺樓閣昏黃燈未
上莽郊原何限蒼茫意遲暮感那能已銷愁我亦渾

國朝詩林卷三
三
無計看遙嵐胭脂半抹勾留能幾初日年華輕一擲冉
冉雙顛白矣有客路荒寒曾記古木叢祠鴉背閃對西
風吹影鞭絲細消頰慣此情味

鄧廷楨

字懈筠上元人嘉慶六年進士
官閩浙總督有妙吉祥室詞

菩薩蠻

橫塘誰漏春消息垂楊巧弄絲絲碧細馬踏花遲瓊簫
一一吹紅樓通有路青鳥頻來去底事掣金鈴驚人

香夢醒

三妹媚

益供杜鵑花三枝娟靜可愛爲賦是解

鵑啼殘月隕又絲絲織魂憑花傳恨峽雨巫雲向鏡臺

妝就頰渦眉暈宛轉春心都付與玲峴春影試話三生
峨岫煙迷錦江波冷 休怨荼蘼開盡牘翠幕青瓷伴
人幽韻倦眼迴看料近來羞見浪脂狂粉小住嬋娟還
繫得天涯芳信漫遣三更枝上催人夢醒

齊天樂

藕絲

玉盤新倩佳人雪盈盈似縑寒雨澹月挖痕涼波漾影
都在畫船多處菱花別浦問一種縈牽晚風誰訴恁地
玲瓏那堪情緒更如許 并州剪刀空試便吳淞剪斷
難斷柔縷吐向靈心纏來皓腕記得荷亭前度蓮因淨
土料不比游絲菴花黏絮冰水調餘脆生生滌暑

水龍吟

雪中登大觀亭

關河凍合梨雲衝寒猶試連錢騎思量舊夢黃梅聽雨
危闌倦倚被氅重來不分明處可憐煙水算夔巫萬里
金焦兩點誰說與蒼茫意卻憶蛟臺往事耀弓刀舳
艫天際而今賸了低迷漁艇模糊雁字我輩登臨殘山
送暝遠江延醉折梅花去也城西炬火照瓊瑤碎

高陽臺

人日立春

乍暖猶寒纔陰又霽東風作意娟妍花外青旗颺來柳
外秋千無愁最是鄰家女覓芳蔬挑破畦煙卻關心添
了容光換了流年 鏤金作勝傳荆俗笑樊南新句枉

溼巴牋帖寫宜春闋來自譜水絃草堂寂寞疑天上問
何人思發花前逗吟情華髮新幡紫陌連錢

陳嵩慶

字荔峰錢塘人嘉慶六年進士官禮部侍郎

金縷曲

題汪紫珊碧梧山館詞

花底修簫譜記綢繆珍珠小字蠶眠無數鏡約釵盟都
莫問潭水深情如許知吟徧江南春雨炙暖玉笙催倚
拍早有人羅帕相傳語添多少斷腸句 東風又種雙
紅否算年來春燈秋舫闌干何處天與詞家兼豔福彩
筆台勻薇露又殘月曉風重賦近喜井泉新樂府把烏
絲圖畫頻收取旗亭酒尙堪賭

孔昭虔

字元敬號荃溪曲阜人嘉慶六年進士官貴州布政使有繪聲琴雅詞

湘春夜月

又斜陽數峰紅近黃昏可奈一片飛花春瘦已三分燕
子帶香歸去任撲簾狂絮斷送芳春恨小橋曲水流紅
信杳愁到湔裙天涯萬里今宵明月何處孤村聽徹
啼鶻誰念取故園芳草曾憶王孫愁寬夢窄怪綠陰空
鎖鶯魂寄別恨倩東風一夜游絲亂蝶都化行雲

齊天樂

陶晷薌喜余解組歸里賦詞爲壽次韻禽寄

扶搖吹徧滄桑夢蕭然做廬春老竹徑苔荒松窗雪古
舊侶都非年少孤吟瘦鳥似化鶴歸來令威華表正憶

天涯故人前度別離早。同心千里咫尺折梅官閣下。
揮翰雲掃香火因緣煙霞歲月併入懷人幽抱賓鴻過
了又寂寞空山片雲飛到細酌流霞玉衡低向曉。

葉紹本

字筠潭鳥程人嘉慶六年進士
官鴻臚寺卿有白鶴山房詞

西江月慢

首夏卽事

亂紅飄盡長晝永。翠陰如幄。蜜熟靜蜂喧。鳩啼深樹。燕
窺華屋。恰枝頭梅子初肥。染就金丸垂垂欲落。忽冥濛
密雨如絲。簷溜聽鳴瀑。正清簟疎簾屏山曲。看羃歷
鑪烟似縠。讀書敲碁無不可。白苧衫初著。還記得江上
筵開。擘箋飛蓋。罰依金谷。問甚日一棹舫船帆影綠。

青玉案 郊行偶書

夕陽照樹紅相亞，秋已半，新寒乍。潦水初收黃葉下。一年春信，依依柳色，又待東風也。孤城一抹渾如畫。幾曲疎籬傍茅舍。此景北來應共訝。下若溪邊，餘英渡口，只少虹梁跨。

臨江仙 通惠河感舊卽事

渺渺寒流明古渡，斜陽雲影初收。蓼花灘畔木蘭舟。沙邊漁唱晚，煙外鷁聲柔。極望長天連海曲，風前頓觸離愁。廿餘年事，懶回頭。烏梭天上，織鴻爪，雪中留。

惜餘春慢 本意

綠暗梨雲紅殘桃雨已是殢人天氣纔陰復霽乍暖還
寒做弄許多春思簾外幾陣東風香絮濛濛溼吹不起
看蒼苔徑滑蕉陰滿院笋痕迸地 還記取江國樓遲
愔愔門巷重碧侵人衣袂遙山似沐新水如煙不盡畫
情詩意誰道南天宦遊犵鳥蠻花儘饒姿媚祇懷人陌
上香車緩緩可能歸未

金縷曲

柳眼

可是纔中酒認東風惺忪關角倦還開否一片青垂蘼
蕪陌悵望孤城似斗已盼到寒消九九樓外斜窺春意
嬾正紅閨離思和愁守章臺畔好回首 長堤杳杳花

國華言苑卷之二
三
驄走閱多少春衫絲淚玉酥纖手似笑還啼斜陽裏此
段風情誰受著幾樹永豐坊口問訊星眸眠乍起向箇
儂眉底評妍醜嬌無那映珠牖

歐陽炯

字嶽庵上元人嘉慶六年舉人官平陽知縣

翠樓吟

車子尊見示秦淮畫舫錄漫題此解

舊院雲埋長橋月墮前番小試吟屐靈函披錦軸又惹
起亂愁如織似曾相識問稚燕雛鶯別經幾日誰憐惜
落梅風緊防他吹笛 哀輯輕點霜毫有澧蘭綠鞞江
蕪紅溼平安今好在儘寄語人人消息可禁於邑待打
槩歸來邀君尋覓雙丸急便成陰未淚絲偷滴

宋翔鳳

字子庭長洲人嘉慶六年舉人官剡甯知縣有碧雲盦詞

唐多令

李式齋囑題舊夢圖

初日透疏櫺微風掩畫屏
算唐梯幾級曾經隔斷陌頭
楊柳色怕此際夢纔醒
瘦影太伶俜濃花何處訂到
天涯暮雨冥冥春事闌珊
春恨遠獨自箇小樓聽

江城子

東管孝逸

別離情緒又花朝問江潮未迢迢
幾日春陰庭館坐無聊
聊到得黃昏簾幙定缸綴粟暗還挑
月朦朧後雨瀟瀟
寄長謠鎮魂銷咫尺天涯何處舊
蘭橈溼盡蒼苔渾不見同過也可憐宵

瑞鶴仙

冒辟疆姬人蔡含畫水繪園圖

遠山無一點對多少亭臺儘費渲染垂楊幾絲斂正花
枝明處酒旗斜颭勾描太澹細尋來香魂易暗料中閒
曾著芳踪冷了翠屏珍簾空感名園修禊捧覩人歸
賦詩情減春光冉冉閒窗下舊圖檢念雉皋當日巢民
老去祇恐紅閨霧掩但愁他芳草和煙又平畫檻

木蘭花慢

楊柳青夜泊同陳誠之

聽繞船暗水繫纜處正三更是楊柳青邊者回重到誰
念飄零津沽已經過了又風波細數一程程乍可披衣
徐起那知伏枕還驚同行各自怕愁生百感忽交并

但愀然相對無言可慰有夢難成群仙也應悵望道歸
鴻未必憶瑤京一月流光黯澹九河遺跡縱橫

摸魚兒

含山官舍寄嚴小秋時各鍾離兼訊蔡友石觀察

渡江時便聞才調年年踪跡相避治城明月清溪雨折
盡柳枝難寄歌扇底傳一卷烏絲寫徧蠶眠字青衫舊
漬付燈下高吟酒邊試拍醒後那能記 昭關古乞食
重悲往事懷人如在天際淮南直北紅心驛卻喜郵書
容易風正細怕譜向檀槽不盡纏綿意何時把臂問主
客圖中投壺篇裏可作故地

樂

釣

原名官譜字元淑號蓮裳臨川人嘉慶六年舉人有斷水詞

阮郎歸

晝長花落小樓陰。簾波月影沈。闌干曲曲徑深深。教人
何處尋。經繡戶聽瑤琴。關心直到今。如今已分不關
心。愁來爭自禁。

蝶戀花

時節乍寒還乍暖。浪說看花花信無人管。牆北牆南蝴蝶
滿。花開花落。青春短。悔飲藍橋漿一盃。一寸柔腸
眞做千回斷。桃葉桃根。波際遠。渡頭不敢高聲喚。

惜紅衣

燈花

桂蕊叢抽。蘭心半吐。夜長春促。乍落旋開。紅情定誰屬。

幢幢短燄難照徹。愁人心曲。幽獨。棋子漫敲。但朦朧凝
矚。螭盤雁足。歌舞人家。千枝燦華屋。鼉更向盡。碎影
各攢簇。別有翠樓思婦。心事向伊潛卜。甚暗蛾飛到。飄
墮玉蟲金粟。

瑣窗寒

都門雪夜

鐵馬禁嘶。銅龍斷瀉。滿庭燕雪。前番較可不似者。番寒
徹。畫鑪灰微吟。漫歌硯池。已是元冰結。更松醪似水。蘭
缸無燄。布衾成鐵。愁絕憑誰說。歎一片冬心冷於霜。
月梁園樹老。數點寒鴉。棲屑莽迢迢。天末故鄉。凍雲千
里無寸裂。記年時。麕眼籬邊。正有梅花折。

木蘭花慢

木筆花春遊第一集作

是何人夢裏將彩筆向空投恁紫蘂霞濃香濡露飽翠
掃煙流梢頭自開自落替羣花先寫一春愁不似青蘆
細削無情描畫芳洲 知不一束豔豪柔都費錦心抽
歎江郎才盡青蓮老矣巨管誰收凝眸暮天霽色似雲
藍題句傍高樓入夜三星帶月更看心字斜鉤

百字令

德州道中和劉芙初題壁

春城躍馬正河橋雨歇晴雲初曉行到行人懷舊處消
受鳥啼花笑獵獵斜風沈沈遠霧樹比當年老軟紅十
里並無一半芳草 聞道隔院箏絃當窗扇影驀地都

停了不是重來渾不信門外屨痕如掃小廟牆傾荒亭
瓦碎牘有空煙繞一杯冷酒又添新恨多少

惜餘春慢

揚州旅次雨中題壁

四扇窗關一鈎簾放雨氣滿天濃黑支頤寂坐豎膝橫
眠閒煞阮家雙屐對屋便有高樓簷溜空垂也無人跡
但沈沈霧裏濛濛花外數聲遙笛 饒盼到杏蕊烘雲
楊枝挂月不是往年春色聽鶯客散繫馬人遙處處畫
闌敲側休問湖山豔遊一片愁痕怎生禁得便飛來燕
子可能認是舊曾相識

一萼紅

汪劔潭金山諸君攜校書鳳珠篠圍看芍藥各製此調余頃自都門還邗上輒爲

續聲局外環中別有深感時辛未七月也

太無聊負青春十載杜牧鬢絲飄水色疑伊煙痕似我
到眼卻是紅橋有多少花謠柳讖算將離名字最魂消
梅雨零邊麥天寒處各自今朝莫道湖心路近只船
頭船尾便已迢迢扇掩香空絃凝響絕酒醒何處停橈
歎從前天紅斜紫被封姨收付廣陵潮賸了江南詞客
重話鐙宵

國朝詞綜補卷二十二

無錫丁紹儀杏舫輯

王崇本 一首

李宗昉 三首

金式玉 三首

徐一麟 一首

劉國筠 二首

查揆 一首

范懋裕 一首

儲徵甲 一首

汪全泰 一首

周儀暉 二首

馮如璋 一首

鮑文遠 一首

黃培芳 二首

周濟 十首

汪全德 八首

葉以信 二首

魏

襄

四首
補詞

朱爲弼

一首

黃承吉

一首

李兆洛

四首

吳存楷

四首
補詞

胡敬

一首
補詞

程

晉
一首

諸嘉樂

一首
補詞

王崇本

字驥泉，仁和人，嘉慶七年進士，官四川知縣。

滿江紅

戊辰初冬西湖寓舍留別諸同人

橫笛江城又攪起，離愁千斛乍傾倒。同岑小住濁醪共
灑，夕照峰頭高下。屐秋聲樹裏，東西屋恁更闌不厭把。
新詩千回讀，誰挑得蕉林鹿。誰認取柯亭竹，嘆匆匆
分手雲龍難逐。風月且談今夕事，升沈莫問君平卜。唱

驪駒寒色上征衫腸迴轂

李宗昉

字芝齡山陽人嘉慶七年進士官左都御史有聞妙香室詞

菩薩蠻

夕陰涼處秋無影空庭皓露侵階冷滴翠溼流煙晚花
紅可憐相思人不見瑤瑟生清怨天際雁書沈楚江
應更深

瑣窗寒

端午前一日攜李旅次雨中寄意

兩日扁舟一天涼雨頓生秋意明湖隔夢待把錦鴛書
寄聽沈沈漏聲乍停丁冬小院花鈴碎想妝臺眉嫵剪
榴貼艾者番情事相憶蘭闥闕有碧盞葡萄紅闌茱

莉輕羅疊了莫遣峭涼生臂綴釵符髻雲樣新歲華暗
轉明鏡裏定朝來斂卻桃笙繡茵眠未起

沁園春

盤香

層疊鸞環影矗浮圖清芬暗飄似龍門懸溜黃縈九曲
螺峰斜照青入重霄珠磨星旋牙檣燈掛半榻晴煙篆
未消聯吟好記墨痕輕劃佳句催敲 輓轡金井秋高
只片縷柔情暮復朝笑脂黏蟻線迴腸曲折風生羊角
極目扶搖已字圖成回文織罷一寸相思路轉遙深闌
裏憶碧筩瑤草刺繡慵描

金式玉

字則甫歙縣人仁和籍嘉慶七年進士官庶吉士有竹隣詞

相見歡

微雲度盡窗綃夜迢迢又恐秋聲無賴上芭蕉
玉繩轉金波暗可憐宵只賸棲香蝴蝶抱空條

高陽臺

乍暖簾櫳輕寒庭院游絲繫住春魂一捻纖腰恰誰付
與愁痕年時此地看花處到花時一例傷神怎消他幾
度簾垂幾度香溫斜陽回首江南夢只浮雲似雪流
月如銀一晌憐儂不教飄逐芳塵天涯處處吹香絮便
相逢誰伴黃昏更禁他容易飛花容易殘春

六州歌頭

重帷深鎖。玉漏正三更。屏山暗。金荷燼。篆煙凝。短長亭。
依約年時路。清溪曲。垂楊畔。朱門裏。晶簾下。月華明。不
道翹鬢掠削。搔頭玉。隔住紅英。把花枝斜睨。雙臉淺霞
生。芳意盈盈。最忪惺。憶郎不見。眉翠薄。鬢雲鞞。悄含
情。飛鴻遠。空悵悵。望高城。只星星。飛絮天涯影。風搖漾。
不曾停。人瘦損。花憔悴。總飄零。愁煞東風輕別。知何處
粉袖銀箏。怎禁他窗外。殘點一聲聲。好夢頻驚。

徐一麟

號牧庵。平湖人。嘉慶七年進士。
官海陽知縣。有五朵雲仙館詞。

金縷曲

二月江南道。記當年。一鞭遙指杏花開。早山隔青溪雲。

鎖斷夾岸垂楊破曉催淑景黃鸝聲巧遠望酒帘高颺
處向前村買醉供吟嘯橋略約路多少騎驢正值人
初到解征衫春分乍過薄寒猶峭試訪六朝金粉地極
目長江浩渺何處問故宮花草剩有呢喃雙燕子話興
亡往事空憑弔愁思結向誰告

劉國筠

字壽雲太湖人嘉慶九年舉人
官貴州同知有飲虹堂集附詞

浪淘沙

柳堤

絮暖雪飛時風綻雲滋餘寒賸了一些兒無限鶯黃同
鳴綠入望參差碧水繞長堤畫板橋西馬蹄紅溼落
花泥目斷行人從此去帽影鞭絲

洞仙歌

晚涼一霎漾露花風柄香國閒情有誰領恰畫闌倚徧
蘭槩迎來消受處無限紅圍粉陣 此中消夏好便勝
摩訶池水盈盈對明鏡光景儘留連十里花田也不換
荷塘半頃說水部風流定應知看手把瑤觴臨流顧影

查

揆

字梅史海甯人嘉慶九年舉人官藥州知州有菽原詞

月華清

題友人月底修簫譜圖

鉛水無波銀丸未墜一聲纔近還遠雪樣瓠犀吹得明
河西轉恁時光三九梅梢早描出秦樓哀怨低喚更偷
聲減字口脂香暖 到底爲誰魂斷儘鴛譜新翻者得

偏短一舸歸來記否題詩橋畔正玉奩努力修眉又破
費修簫雙管還算似煙波回首小紅相伴

范懋裕

字耐軒鄞縣人嘉慶九年舉人官仁和教諭

金縷曲

酬莫芝汀書近刊紹興石經詩後用原韻

天一遺殘閣溯青瑣賸留長物未遭偷攫偶仿鴻都摹
舊勒墨本臨安重拓臂一綫壁徒匡鑿驢券長嗤書博
士盡三箋片語何曾著煩動手起柔弱 宋家宮闕斜
陽落記當時塔鈴風顛夢燈星爍斷碣荒榛何處覓梅
石淒涼同昨按遺跡疑訛交錯好事憑誰勤載酒訪西
冷好伴孤山鶴奇共賞漫拋卻

儲徵甲

字紀堂宜興人嘉慶九年舉人官青陽教諭

洞仙歌

梅天過了尙蕭蕭殘雨付與鞦韆人做淒楚憶秋宵聽徧
春國餘寒都不似者樣淒涼情緒 瑤臺應不遠遙想
朱樓也聽丁冬鐸鈴語敲枕數深更入曉行雲可遞到
鄉關煙樹怕潤逼衣篝未成薰欲寄與都梁斷鴻無據

汪全泰

字竹素儀徵人嘉慶九年舉人官台州知府

憶舊游

題潘星齋鸚鵡簾櫳詞

憶尊前故事花外新詞重見風流杏葉疎櫳底想烏絲
印匣小硯銀鈎定有翠鬟吟侶能譜玉京秋恐減字偷

聲含情欲說鸚鵡前頭 孤舟記曾聽聽隴鳥啼煙晚
泊交州紅稻西風裏照淒涼詞句一點燈篝怕說小鸞
歸路芳草徧江洲問別恨深深湘簾綠斷休未休

周儀暉

字伯恬陽湖人嘉慶九年舉人官陝西知縣

摸魚兒

陶谷贈陳素庵

望層崖綠陰如幄一重重到深處白雲不許山泉出百
折千回避住香暗度是隔澗依林古桂懷人樹秋棠欲
訴歎惆悵年華昏黃庭院別樣感遲暮 羲皇夢一枕
輸君早悟全家高臥元圃無人識得南山豹認作尋常
煙霧君試數剩幾樹垂楊猶向風前舞斜陽不語但脈

脈登樓相將落月還自下樓去

望海潮

同周保緒陳叔安登盍山園小閣

危樓敲仄斜陽蒼莽叢山紫逼青遙絲竹興闌壺觴地
迴重來獨自憑高秋水石城橋悵菰花雨墜菰米波飄
爲問閒鷗可能來往任江潮 金風特地蕭蕭剩虛沙
歎雁疎樹辭蝸西邸幣空東方騎滿鈞簾細數前朝荒
磴亂蛩敲有翠眉月小紅淚花嬌留取深秋冷螢寒菊

對魂銷

馮如璋

字秋君德清人嘉慶九年
舉人有秋君遺稿附詞

踏莎行

聞蟬有感

籬落陰邊村墟斷處數株倚水無情樹似憐時易近黃昏
聲聲欲喚斜陽住 吸雨餐霞談風說露綠榆門巷
思前度天涯有客未成歸不堪回憶江南路

鮑文逵

字野雲丹徒人嘉慶九年舉人官海陽知縣

百字令

次韻和張仲甫

棟花風起送春歸難問重來時節新燕忽銜餘恨至夢裏
聲聲喚徹蝶粉猶濃鶯簧未老芳草何曾歇聽君絃索頓教
雙鬢飛雪 休悵韋曲花稀渭城柳折驥足塵空絕道是勳名
堪不朽爭奈勳名難必叔夜琴尊志和煙水畢竟難磨滅及時
行樂嶺雲不管今昔

黃培芳

字香石 香山 嘉慶九年副貢 生官中書 有水龍吟譜

搗練子

更點細晚風斜隱隱 蟲聲透碧紗 獨坐忍寒猶不寐 一
鈎新月挂藤花

如夢令

銀漢迢迢漏永滿 院露華淒冷 回憶別離時 又是隔年
風景 人靜人靜 倚暖一闌花影

周

濟字保緒 荆溪人 嘉慶十年進士 官淮安教授 有味雋齋詞

卜算子

山遠樹橫煙雲淨 波涵鏡 卍字闌干八字橋 坐久衣裳

冷 乘月卻歸來小院人初靜
漠漠簾紋淡淡風過了
梧桐影

西地錦

黯黯秋陰如醉替海棠凝淚空階夜漏寒蟲細語便無
愁怎睡 何況鐙昏簾內又月明簾外疏枝瘦影橫斜
徧地寫秋風無賴

蝶戀花

落日胭脂紅漸褪新月如鉤掛起天涯恨一箇閒鷗眠
不穩投林只見鴉成陣 祝向餘霞休散盡月似銀黃
卻比銀黃嫩剛被遙山銜一寸浮雲片片誇輕俊

八聲甘州

嘆天衣無縫。要天成人閒織來難。漫顛針倒綫。翻花鬪
葉舞。鳳翔鸞。多少金閨妙手。淺笑倚闌干。誰遣蓬窗女
苦耐更殘。剛道鴛鴦繡出。又東風窺幕舞。蝶成團待
添將半臂。珍重護春寒。盼玉勒驕嘶甚處。但垂楊綠比
海天寬。和珠淚親緘。畫篋留與重看。

玉京秋

綠陰詞律於此調多脫字未補分句亦參差未確賦此正之

春乍去。金鈴倚高閣。綵幡虛護。幾許嫣紅。霎時吹盡。何
關風雨。多謝疎簾影。面面遮斷。送春心緒。鶯休語。不知
誰在綠窗深處。一枕昏迷蝶。向西園餘情更苦。記

得那回青驪嘶過。靡蕪橫路。忘卻珊瑚墜。爲憶樓上盈
盈眉嫵。空凝佇。惟有垂楊慣舞。

南浦

秋海棠用魯逸仲體

穠春豔想。被秋來露洗漸無痕。自抱珊瑚瘦骨。籬角鬪
精神。莫道乍開旋落。問瓊霄誰解駐仙雲。但數峰低矗。
半潭清映。嬌煞玉樓人。一點流酸沁齒。算青梅落後。
恰逢君。吟到夜闌人睡。涼月白紛紛。老去全疎杯勺。嚼
紅芳。特地倚微醺。甚世閒兒女。又緘清淚。寄離魂。

垂楊

立冬前七日聞蟬和陳叔安

秋懷漸遠。聽蒼黃病柳一聲淒婉。曳入西風可應還似

秋前滿分明疑絕重低轉替人說嫩涼池館被連番青
女無情把露華偷翦 知否吟蛩乍緩便戶下牀頭不
成濃暖漫立高枝夕陽偏向疎林展誰留鬢影誰執扇
但贏得琴絲題怨更宵來霜月孤行魂易斷

金縷曲

偶憶金陵舊遊時擬卜居未果感而賦此

六代興亡地贖年年春花獻笑秋風凝睇鐵板銅絃豪
絕處添箇胡笳淒戾合付與詞人排比一掬小倉山下
水蕩秦淮十里煙波颯呼斗酒斫鱸膾 倦遊已定移
家計買陂塘澆蔬蒔藥餘生堪寄萬一情多閒不了好
領雙鬢歌意便拚向花前沈醉殘月曉風離別恨早消

沈背嵬英雄氣休更惜唾壺碎

大聖樂

落梅

點地無聲。隨波寫影。十分春瘦。到畫簾燕子來時。絳蠟
夜深。祇照睡香酣透。寂寞空山消殘雪。問誰向溪邊垂
素手。蒼茫極。是斜日暮煙。孤吟時候。清明雨傷風慙。
儘紅付天桃青付柳。甚黏枝一點酸心。偏得黛眉雙繡。
倦聽江城人吹笛。算妝額年年還自有。菱花掩。願留將
凝脂依舊。

哨遍

黃葉半林黃菊半籬妝點秋如許。莽西風千里捲平蕪。

乍登臨江山吳楚問西塞煙波東山裙屐幾曾留得南
朝住回首廣陵濤年年只背燕城斜日東去帶邗溝流
恨滿江湖共佑客愁心亂檣烏爛錦韶華海蜃樓臺畫
屏歌舞 呼痛飲張翰生前杯酒澆黃土休落龍山帽
金城楊柳誰賦任飄泊蘭成家山重到也難寫出關河
暮天際雁行斜知他暝宿荒蘆叢荻何處漸鳴榔聲斷
野煙鋪牘一點漁燈伴星孤月初弦輕雲低護柴門歸
便深掩無賴是庭梧蕭蕭只管打窗縈砌不管離人離
緒閒牀倦枕漫支吾怕重陽滿城風雨

汪全德

字小竹儀徵人嘉慶十年進士官頓南道有崇陸山房詞

點絳脣

憶別匆匆水紈寫徧傷春賦花時已誤燕燕歸來否

小閣重簾楊柳遮春住今何許天涯芳樹盡日廉纖雨

酷相思

池亭楊柳

闌前一桁垂楊樹似曾向橋灣賦正芳草天涯迷客路
要隱隱遮春住莫冉冉催春去謝家簾幕無重數記
題徧傷春句問燕子歸來知得否纔幾陣纖纖雨又過
盡陰陰絮

臨江仙

疎鐘自破惺忪睡迢迢涼夜三更空階秋雨到明年

年風葉落不似夜來聲 敲徧闌干無限意西窗重喚
誰磨翦燈鄭重此時情過來成往事去後卽他生

解連環

小屏山北是橫波舊榭步香斜徑憶鏡中眉嫵消凝待
春月悄悄自填宮令燕幕風多又春夢幾番吹醒訝宵
來細語似訴舊時花外幽恨 西窗夜遙燈燼擬閒尋
秀句寄伊重詠見說道去後江南對花謝鶯啼暗消心
性雁字飄空柏問訊玉臺未穩料應嘆茂陵病起賦才
減盡

金縷曲 闌干

亞字鸞環數怎分明牆東一角隔花成霧淺碧似煙還
似水閒煞幾多風露要啼倦向來鸚鵡細草輕泥三二
月算層層都是傷心路因宛轉見愁緒芳蹤盡被閒
情誤卻淒淒重游池館倚廊人去况對謝家明月冷春
影又添無數尋不見舊低徊處應有淚痕紅未了共莓
苔零落年年雨離別恨幾回住

又道中詠殘月

慘澹天將曙見雲樓依稀半壁斜飛涼露一樣蛾眉天
上影偏似華年老去對明鏡傷秋不語搖落酒醒何處
宿五更雞唱斷關山路消一曲奈何許瑣窗寒壓陰

陰樹別經時闌干夢徧舊曾題處漏盡香消牙尺懶欲
說幾回還佳似今夜斷腸眉嫵玉玦有情應共結怕他
生更被團圓誤空繫念舊金縷

掃花游

早起見梨花已將落矣

豔陽幾日又過雨生寒將煙做暝早鶯漸近把年來曉
夢向春啼醒澹月生時識得伶俜舊影有誰問是那日
翦燈門掩香徑池館芳信冷憶羅袖單寒一枝曾並
等閒窺鏡怕何郎去後懶殘宮粉便到飄零莫似楊花
飛盡晚風緊怕星星欲吹愁鬢

揚州慢

早春

樹欲籠煙花猶凝雪衿衣將換仍寒漸白長人倦鎮倚
徧闌干卻惆悵試燈風過瑣窗朱戶也只蕭閒甚尋常
巷陌愔愔芳意闌珊疎簾小苑見低飛燕子呢喃似
說道羈愁年年冷落虛滯長安一度熏梅染柳青銅鏡
一換朱顏况蕭條春色思量還共誰看

葉以琯

字雨軒錢塘人嘉慶十年進士
官溇州知府有洗心書屋詞

南柯子

題關綬卿畫梅

凝憶羅浮夢狂吟白石詞江南江北漫相思看取癯翁
腕底兩三枝凍筆敲斜處香魂荏苒時春殘不怕笛
聲吹春在小窗橫幅有誰知

金縷曲

題張初白明府百泉泛舟圖百泉卽蘇門上有嘯臺

倒瀉銀潢淨
驀妝成晶簾百幅
玉田千頃
著箇扁舟輕
似葉涼夢與鷗同醒
懶更上蘇門峰頂
不學孫郎徒一嘯
釣煙波占得紅衣分菱鏡
澈寄清興
晴漪澹豔孤帆穩
莫認是襄陽畫舫
武陵漁艇
用汝濟川須此楫
涼水光山後勁
我欲就酌泉人問
掬水栽花憑妙手
洗瘡痕
霑渥春無盡
憑尺素
澈芳潤

魏

襄

字曾容陽湖人嘉慶十年進士官九江道

祝英臺近

對雪

炷煙消芳醕
冷人去畫簾靜
脈脈情棕似醉
又還醒凍

雲封住重門香車過了知何處酒濃香凝 曉寒迸訝
他瓊屑紛紛偏教亂愁并不是楊花也愛弄柔影最憐
一片晶瑩風吹不定更誰識孤寒情性

琵琶仙

小立凝愁渾忘却點點霑衣紅溼不信正好花枝東風
又無力拈一片春痕在手要留住怎能留得記否羅衣
小蘋初見情緒如結 更經得雙燕歸來把心事喃喃
向人說勾起天涯舊夢和亂紅如屑遮莫是春幡好護
怕有人忍與攀摘只待訴與相思莫教輕別

疎影

芙蓉

涼飈颯颯晚霞幾疊吹散寒馥桃杏三春一例東風
孤芳未肯相逐浮花浪蕊都摧盡又占了疎籬黃菊待
露華綠徧庭蕪獨倚一枝寒玉 幾度酒場燈夜曲闌
珍護甚添上珠絡翠袖天寒不語凝愁意緒千重如束
前身只合青城住知不數人閒金屋悵無由化作秋江
日夕照伊幽獨

齊天樂

雪

凍雲偏是禁花放飄來半含仍吐乍點枝頭頰黏竹外
疑是寒梅開處巡簷人誤怪索笑無由遣愁難去似絮
依依爲誰輕把玉容駐 人生經幾歲暮歎芳心自冷

芳信無據鏡裏妍姿夢中豔影一霎光陰前度荒煙古
路算紫萼紅英也成塵土換酒貂裘碎瓊憑亂舞

朱爲弼

字茱堂平湖人嘉慶十年進士官漕運總督

菩薩蠻

題湯雨生畫梅樓圖次及積堂韻

生來妙想瑩冰雪拈花並證菩提潔畫閣暗香連一雙
山字肩 調鉛描冷蕊暖意融纖指月朗夜如何開池

照影蛾

黃承吉

字春谷江都人嘉慶十年進士官候選道

南柯子

秋江感舊

楊柳誰邊思芙蓉若箇情寒波瑟瑟趁潮平流去一天

明月總無聲 往事扁舟送新秋兩岸迎沙汀草積甚
人行歌著渭城朝雨向前程

李兆洛

字申者陽湖人嘉慶十年進士官鳳臺知縣有蝴蝶詞

菩薩蠻

茫茫芳草匆匆蝶小園花事都休歇露重玉闌干錦衾
知曉寒 畫梁新燕子解得銜泥未莫放掠花飛珠簾
著意垂

臨江仙

細雨絲絲吹又斷那堪還近黃昏犀垂簾押獸香溫遙
山幾點減盡舊眉痕 架上舞衣閒畫色多時冷落芳

尊黃花瘦影可能存切休望遠秋色已如塵

蝶戀花

簾外波光明淨練蝴蝶無聊軟趁晴絲顫開到海棠春
已晚落花點點深深院無力垂楊千百轉做盡悠揚
只是添悽怨待得風停飛絮倦月明誰在雕闌畔

長亭怨慢

題梅影庵樂府

只一片蕪皋蘅薄甚處重尋繡簾香閣縷縷愁痕花名
猶記小屏錄無端殘夢倩彩筆重新續消受幾春風怎
說是韶華匆促念當日參橫斗轉唱斷玉龍哀曲啁
啾翠羽祇戀著雙棲雙宿卻不道葉墮巢空儘長占碎

紅零綠閒江上芙蓉可怨年年開落

吳存楷

字曼雲錢塘人嘉慶十年進士官蒙城知縣有硯壽堂詞

南浦

秋水用玉田春水韻

一碧淨無痕鏡新磨恰趁平湖霜曉買渡過虹隄涼煙
散剩有柳絲低掃收將淺漲幾層翻得鱗波小南浦春
來無限恨付與頽陽衰草 微微吹動蘋香正烏篷露
冷扁舟過了遙夜怨西風漁燈閃偏有荻花飛到長天
浩渺月明影蕩飛鴻悄聽說尋源星渚近可奈泛槎人
少

西子妝

同人集新桐小築爲蕩舟之遊水靜雲寒酒懷如寄因用夢窗自度腔以寫其樂

髡柳池塘醉楓亭榭。淺碧寒收波面。戲牽蘭艇作清遊。
畫雙篙水雲都軟。船脣倚徧。只減了、簫瓊笛鈿。酒人稀。
幸天公還許。同眠鷗館。春湖暖。第七橋邊。桃葉迎來。
慣。到今蘆月尙縈懷。那便忘。玉窗絃管。年華暗換。但呼
取。麴生留伴。夢重溫。又恨蓬山路遠。

喝火令

舟過媚香閣下戲作寄劉海樹大令

門外斑駁繫窗前碧玉流漲痕新減一分秋隔水那家
庭院絃索試歌喉。舊雨晨星散西風落日愁蘭情牽
惹到蘭舟記得第三株柳近妝樓記得有人樓上偎影
看梳頭

滿庭芳

寒鴉

逐隊如魚驚寒伴雁都從古木分棲啞啞碎語雲冷約
同歸惆悵玉屏秋老雙鬢鞦到眼曾迷更誰妒昭陽日
影不肯傍人飛 依稀臨畫本東西塗抹落墨成圍便
孤村流水點綴都奇翻動一林楓葉催暝色接翼偏遲
還解憶霜天漁火愁絕夜深啼

胡

敬

字書農仁和人嘉慶十年進士官學士

月華清

鵝黃李

殼小猶含苞新初摘愛他千顆黃透弄色嫣然裊裊淺
春垂柳勞送與生怕開籠還認是雛剛離殼纖手把杏

子衫兒較量同否 誇道樹成三影從龍月城西種分
仙畝相對舟前醉倒杜陵詩叟倘真箇餉共來禽也值
得內經書就消受伴花鈿影裏嚙香和酒

程

晉 字沅薊吳縣人嘉慶十年進士官

喝火令

秀靨欺瓊雪清歌遏曉霞泥人尤在縷金鞋試看淩波
襪子應是不爭差 有妹桃根似當樓燕語譁相逢眞
合飯胡麻只少門前添種小枇杷只少冰紋榻子六扇
去藏他

諸嘉樂

字秋士仁和人嘉慶十年進士官泰州知州

百字令

送吳子律赴金華教授任

柳枝慵折撫柔荑纔是嫩寒天氣好趁一篙新漲軟送
入畫眉聲裏花月江山神仙眷屬穩遂移家計閒情繾
綣拂筵紅袖還倚 試遣低抹檀槽嘈嘈切切似訴將
離意樓指朋尊清興共五度扇鑪風遞都養傳餐門生
導輦叱石供遊戲沿階蝶散酒痕襟上憑記

國朝詞綜補卷二十三

無錫丁紹儀杏舫輯

袁棠

十一首
補詞

孔廣根

一首
補詞

孔廣廉

一首
補詞

吳堦

二首
補詞

汪世泰

十二首
補詞

袁通

十四首
補詞

陳鴻壽

一首
補詞

吳自求

三首
補詞

崔景侃

一首
補詞

尤維熊

十首
補詞

全德

一首
補詞

儲夢熊

二首
補詞

湯攀龍

一首
補詞

沈逢吉

一首
補詞

汪瑚

二首
補詞

汪瓏

二首
補詞

俞蛟一首

袁

棠

字甘霖號湘湄吳江人監生嘉慶元年舉孝廉方正有洮瓊館詞

春光好

山點黛水拖藍。畫船閒。九十韶光三月好。又初三。撐
過赤闌橋畔。碧桃花未開。雨意濛濛風略略。試春衫。

唐多令

題家蘭村南園春夢圖

芳草別成叢。天桃作意紅。奈梢頭啼鴉。怒怒。賸有護花
旂一扇。遮不住。四來風。回首彩雲空。含情賦惱公。冷
思量。微雨溟濛。元九腸迴。枝拂面。長自繞粉牆東。

如夢令

牆角桐陰初轉，裊盡鳴鑪香篆。病起懶梳頭，恰恰畫簾低捲。人遠人遠，風颺落花庭院。

沁園春

柳

辛苦東風，約綠回黃，搓絲染條。念腰身楚楚，瘦圍禁捻，眉痕淺淺，好樣偷描。羌笛一聲，陽關三疊，裊帶同心縮不牢。慵開眼看，看車迴馬去，亭子勞勞。河橋回首迢迢，更何待秋來，魂黯銷。只天涯孤夢，春隨絮遠，門前流水。人逐萍飄，難忘湔裊。那時解珮，一線青拖小翠翹。重經過，怕折殘枝長，還比樓高。

浪淘沙

送路得花看暫解雕鞍。繚絲門巷雨漫漫。借問小姑團
扇上，可書乘鸞。山果配蔬盤，菰脆梅酸。隔窗燈影夜
闌干。閒煞半牀青綺被，各自宵寒。

賀聖朝

春水和青庵

漲痕潑綠連芳草。載落紅多少。惜花借問可迴流。縱迴
流春杳。油花空卜魚書空寄。望歸船不到。年年歲歲
穀波生。只滿裙人老。

清平樂

畫樓閒倚人影下。簾底些子前塵。如夢裏屈指一星終
矣。露臺水榭空濛。闌干一段猶紅。聽得燕兒傳語飛

花曾怨東風

卜算子

留宋子庭翔鳳

昨日望君來今日愁君去高帆一峭卽天涯
卜夜留君住莫惜蕩寒燈莫惜聽疎雨
還勝清宵不夢君坐到紗窗曙

夜行船

春人縮髻圓同頻伽作

滿院薰人花氣愁未醒恁懨懨地臨妝略略手盤鴉飄
一縷隨雲慵理記得秋娘十三四學梳頭水晶簾底
如何已是沒心情便愛縮不聊生髻

連理枝

寄蘭村札題後

不恨逢君晚不恨離君遠只恨萍踪江湖滿地別君飄
轉便鯉魚六六解傳書寫新愁難徧前夜朱方館昨
夜長洲苑今夜扁舟載九涼月鴛鴦湖畔料津亭郭店
盡教知惹夢魂零亂

摸魚兒

頻伽屬題盟鷗圖卽送其移家魏塘

算江鄉分湖最好金風亭長曾賦吳根越角迷離處浩
蕩煙波如許誰畫取只一片鱗鱗雲影濛濛樹提鷗擊
鷺記載酒人來持螯節近花外數聲鷓頭銜署三十
六鷗盟主做廬聊蔽風雨比鄰鵝鳴偏相惱負了水邊
窗戶君且去歎我亦年來厭蹋閒塵土蜻蛉買否便釋

子敲鍼山妻結網一棹傍君住

孔廣根

字小菘曲阜人諸生嘉慶三年臨雍署翰林院五經博士有秋夢山房詞

踏莎行

息影園秋居

蛩語庭階螢穿籬落秋風漸透羅衣薄夜深酒醒始歸
來月痕已過闌干角 曲曲銀屏沈沈翠幕涼宵好景
空耽閣依稀有夢到秦樓夢中似見人如昨

孔廣廉

字季直曲阜人官刑部主事

浣溪紗

大通橋泛舟

爲浣襟塵鼓柁行拍堤新漲正盈盈茶煙幾縷颺波輕
兩岸風搖蘆荻影一篷雨結鷺鷥盟西山回望暮雲

橫

吳

堦

字次升陽湖人官曹州知府有微雲館詞

赤棗子

新月上夕陽明東風無力晚煙輕啼盡杜鵑春不管楊花如雪撲簾旌

采桑子

匆匆過了清明節花雨連朝穀雨今朝春色酣酣徧柳條天涯小住爲佳耳住也無聊去也無聊極目橫汾雁影遙

汪世泰

字紫珊六合人官河南知府有碧梧山館詞

西地錦

花影零星滿地被輕風扶起月涼煙瘦更殘夢遠好愁
人天氣 遙盼秦樓天際有音書難寄江湖不過佛狸
祠况隨潮雙鯉

河傳

用顧夔體

曾記花底試燈時節嫩寒天氣玉簫聲裏畫簾垂停杯
春愁堆兩眉 分明謎語尊前遞佯不理教會千金意
那時情最瞞而今夢涼何處溫

清平樂

春日齋居

湘簾貼地火冷鑪熏細一種閒愁難料理又是困人天

氣 錫簫吹破春煙日長閒
煞秋千看展庭蕉一葉惜
惜綠上琴絃

踏莎行

鬪草初闌
簸錢方倦
爲誰悄步閒庭院
簾垂銀蒜靜無人
杏梁棲燕
聞微歎
慵折簷花
故添鑪篆
依依闌角
迴身緩怪他楊柳
枉多情低迷難把離魂縮

更漏子

喚黃嬌
酬白墮
莫負紅窗燈火銀漏轉
玉繩低
今宵是
幾時
今宵事前年似禁得
幾番彈指休只是
話從前
樽前正可憐

綺羅香

友人以夢珠女子春怨詞見示戲仿其意並川原韻

烏骨簾低蚊篆幃掩午倦醒來慵起綠慘紅愁畫窗送
春天氣便遶西夢遠難尋恁視北書沈不寄倚紅樓數
徧游鱗枉教紅了鯉魚尾挑燈重檢舊札曾道茶麩

閒後定成歸計花底闌干知否有人孤倚聞柳綿飛到
天涯猶解惜江南春未盼何時聲震瓊扉隔花嘶寶騎

轆轤金井

杪秋曉步池上新霜乍零卉木明瑟池波鱗鱗涼寫荷影遲客不至歌此攄懷

荷衣消翠小銀塘昨夜乍驚霜信夢穩閒鷗也輕寒催
醒晨曦弄影試半臂畫闌閒凭折竹扶蕉編籬護菊袖
沾香冷迷濛甚露華猶凝又征鴻乙乙聲墮金井喚

醒秋魂勸觥船應肯香莎曲逕間可有屐痕來印待與
商量移橈喚鶴莫辜煙艇

虞美人

江上秋生酒邊人遠小樓聽雨遙夜獨愁
漫述此詞以據別緒

芭蕉葉上零星雨滴碎離心苦一般同是昨宵聲少箇
昨宵人坐便愁聽前塵昔夢拚拋卻不分思量著誰
挑雁足小銀釭又是孤花欲炮影幢幢

憶舊遊

城西謝氏小園畧有水石倚池一軒額曰
吟舫余所命也主人索題倚此應之

愛花圍亭角柳拂樓心竹掃簷牙沈坐春寒裏有燕銜
香墮蝶趁風斜鸞環畫闌紅繞徑曲儼盤蛇更隔斷黃
塵簾垂鳥骨牕掩蟬紗憐他水窮處著小屋蘆碕宛

似輕槎添箇雙丫髻便五湖三澤都可浮家拚教聽風
聽水鷗夢穩天涯可強似鄉關坐愁空見雙鬢華

百字令

出關經南天門作

草枯沙白恁出關秋色蒼涼如此車鐸郎當投古戍何
處明駝先繫一片悲笳數聲斷角吹落斜陽紫昏星未
上滿衣都是霜氣指認千尺危崖青蒼崩另似阻南
來騎冷翠壓車登不易仰首人行天際紅柳蕭蕭朱旗
閃閃門掩黃雲裏舉鞭試扣阜鵬足下騰起

金縷曲

題錢小謝憶秋室圖

誰識秋歸處畫將來山寒水瘦荒涼如許矮屋數椽籬

一角不信秋從中貯徧著箇霜蛩宵語催點安仁雙鬢
雪只竟牀長簟天難曙更窗外逗疏雨萍踪前歲京
華駐聽人誇謝家道韞才工詠絮幃敞青綾曾許見平
視天人眉嫵怪一霎彩雲飛去賸有黃金臺上月照歸
魂來覓虞山路曾識否此庭宇

高陽臺

湖上用玉田生韻

風拂琴絲花埋箏柱墮香熏醉觥船歲歲春遊消魂爭
似今年山螺分翠沾吟鬢一峰峰瘦到堪憐愛翩然雙
蝶波心舞活晴煙分明天與纏綿地更休提笛步漫
數琴川側帽行吟最憐十五橋邊堤楊貼水垂垂綠閒

而今第幾番眠下紅簾還有春人怕聽啼鴉

袁

通

字蘭村錢塘人官內
黃知縣有捧月樓詞

點絳脣

桃源道中遊路旁廢園見桃花亞池半已
零落偶拈此解

料峭寒輕纖雲閣雨春陰嫩小桃弄影浸入波心冷
轉盡危廊寂寂無人問風初定落紅成陣飛貼闌干穩

醉太平

山程水程長亭短亭有人遠道初經數郵籤與聽
開曉行潮生夜停累他小膽頻驚聽風聲水聲

卜算子

夜坐用楊伯夔韻

借得屋三間影伴殘燈住一片蛩聲逼短窗靜夜聽疑

雨 有夢欲還家苦記南來路重疊山巒數不完斷雁
呼人語

虞美人

雨夜不寐有憶

宵長更著廉纖雨沒地推愁去一聲聲滴一更更只道
離人聽得未分明 低迷春影渾忘卻那分思量著桃
笙如水淚如潮爭不爲人流夢到虹橋

又

秋夜對月有感

文窗六扇依然閉簾影涼垂地月光如水又三更轉盡
迴廊少箇倚闌人 蘭因絮果分明甚彈指憑誰問算
來只有苦思量消得秋鉦二十五聲長

菩薩蠻

可憐九月初三夜月痕又到犀簾下沒箇捲簾人蛛絲
懸細塵沈沈更漏永薄薄羅衾冷只此惹魂銷今宵
曾幾宵

金縷曲

送汪子山司馬世泰至盧溝橋留宿玩月
憶昔己未冬出都錢謝庵杖張子白若采
尤二娛維熊餞我於此今五年矣傷離感
舊爲賦此詞

君又南歸矣怪驪歌匆匆催發一行車騎撲面西風塵
似霧吹冷離愁如水忽追憶五年前事無定河邊垂柳
下是羣仙送我勾留地分袂語尙能記金尊重把銀
釭底恁香醪今宵都變酸辛滋味薄醉不成宵漏促燈

釵剔殘紅穗忍冷向橋闌同倚妒煞銀蟾圓似鏡恰照
人歸路明如此君知我斷魂未

臨江仙

記得歡場彈指別迢迢遠隔星河通辭未敢託微波感
甄空有賦得寶怕聞歌 憔悴新添潘鬢雪織愁難覓
龍梭年時誰伴病維摩桃花和粥嚙心裏葬春多

喝火令

好在鴛鴦牒飄零桃李年知他離恨幾重天驚破遊仙
好夢辛苦未曾圓 難覓珠成斛還愁玉化煙枇杷花
下小橋邊記得樓頭記得挂疎簾記得捲簾人說早買

五湖船

摸魚子

倉山之麓有樓一楹丹堊不施桐柳交蔭
額曰秋夢余所憩也曾寫作圖攜置行篋
舟次展玩愴然增飄泊之感倚此題之

者煙籜分明認得吳儂生小曾住紅樓半掩秋蕭瑟涼
夢欲沈宵霧窗啟處墮幾片桐陰愁綠簾旌聚玲瓏月
午更帳下青綃枕橫紅玉來聽亂蛩語 生涯誤誰念
小人有母饑來驅我何苦他鄉亦有秋堪聽歷亂每驚
津鼓江上艣問趁此霜潮解送離魂否欲重畫取添干
點寒蘆一繩斷雁人卧舵樓雨

洞仙歌

憶舊借楊伯夔錢小謝聯句各占一韻

紗籠小小慣偷穿茉莉

生

簪上釵梁颺香細

延

嬾愛桃笙

如水涼浸梨雲零星語訴向蚊雷聲裏

通

織袿紅匿

匝浴罷冰肌軟映窺簾月光膩

夔

生珊瑚枕壓鬢絲夢影迷

離怪醒後惺忪難記

延

嬾恁正好新涼曉風時卻貪整晨

妝背人先起

通

齊天樂

小謝以失怙喪偶灰心世事作西溪禪隱圖索題

傷心人沒埋愁地除非邀佛來證一領方袍數聲清梵

銷得幾多淒恨蒲團坐穩問舊夢三生那堪重省似雪

蘆花可憐不抵客懷冷

憑誰畫此癡相恐尙難繪出

飛去雲影白社人來紅羊劫過煩惱薪須焚盡鐘魚初

靜好呢鉢生蓮磨輒成鏡莫過摩登又思輕山定

滿庭芳

春事將完蝴蝶懶楊花開瘦鯉魚肥遊子未成歸亡友錢謝庵吏部句也車中偶憶及之時事畧同生死異趣倚此據懷

嗟絮魚肥傷春蝶懶錢郎絕妙新詞酸心消息試問阿誰知一種飄零身世前生定縮就愁絲誰能料埋香葬玉宿草已離離紅兒曾教取偷聲減字香染脣脂怪偏從客裏值此良時識得東君心性幾曾因倦客歸遲彈清淚隨風飄處江上小桃枝

高陽臺

車行遇雨

洗柳添青蘄桃增豔東風織雨斜吹作

去聲弄輕寒要教

客裏人知打篷幾陣疎疎響儼吳船背燭聽時試披帷
撲面危峰冷翠沾衣 漸看堤草微微潤歷驚沙不起
雲脚低垂偶露殘陽更添暝色迷離前邨知有人家近
認炊煙帶溼還飛恁行遲瘦馬鈴屐不耐鞭絲

陳鴻壽

字曼生錢塘人貢
生官江蘇同知

菩薩蠻

題郭頻伽盟鷗圖

涼蟬疎柳江南路煙深認是秋生處一片掠微波夕陽
影外過扁舟尋舊約夢破溪雲薄船尾間樵青西風
恐不禁

吳自求

字蘭園江甯人
官景甯知縣

霓裳中序第一 題太真合樂圖

繁聲恍聽得。約略霓裳第三疊。貼地錦裯瓊席。宛一霎
春生。沈香亭側。玉如小立。儼倚醉。嬌慵無力。想欲演紫
雲迴曲。偷撼隔花笛。誰覓。生綃盈尺。早寫出。唐宮風
月。豪華勝境。爭識瓊管吹香。舞衫翻雪。三郎真俊絕。把
羯鼓。勻圓親擊。試問取。都蘭荅刺。何似戰聲急。

水龍吟

京師僊露寺爲金人館宋二帝及宮眷處

廢龕佛火青熒。夜深猶照羈鸞地。傳聞宋后。此閒曾頓
六宮嬌細。怨水悽煙。依稀尙繞。斷垣荒砌。似向人話取。
滄桑遺事。聽檐外鈴聲碎。想見流離。遷徙走燕臺明

駝千騎悲笳哽咽胡沙蒼莽不堪憔悴曲裏家山夢中
故國復歸無計歎汴河東畔一般曾建禮賢高第

齊天樂

冬夜送邵蘭風之河開幕

雲萍吹聚燕臺地論交似爾無幾宋豔輸文班香薰筆
不減元龍豪氣今番花底正鬪酒圍鐙裁紅鏤翠門外
驪歌底須催別急如此 盧溝橋畔雪柳間可能挽住
南去遊騎纔喜沙搏便驚雨別客夢更愁孤寄休辭濃
醉怕聽到雞聲已天涯矣試問離愁紫騮駝得未

崔景侃

字瘦生永濟人寄籍陽湖
巡道龍見子官府經歷

清平樂

漏殘香燼雨點聲聲緊坐著欲眠眠著醒偎暖燈前孤
影 飛花吹徧春城如何不放天晴默數韶光餘幾來
朝已是清明

尤維熊

字祖望長洲人拔貢生官
蒙自知縣有二娛小廬詞

水龍吟 吳歌

五湖煙水空濛一枝柔櫓衝煙破聲聲斷續三高祠下
垂虹亭左櫂入前溪三三兩兩菱歌相和正圓沙清淺
鳧飛拍拍笑脫下紅裙裹 最是曉風殘月剩微茫一
星漁火遙聞斷港纔從浦轉又穿橋過水國陰晴江鄉
兒女儘伊煩惱怕驚他孤客篷窗夢醒又還重作去聲

南鄉子

貝闕一珠擎已被人家記小名曾向浣花溪上見卿卿
水漾橫波畫不成蘭夜玉階行行到中門月半明隔
著蝦鬚簾外聽輕輕自弄銀箏一兩聲

金縷曲

集詞句效孫湘雲作

燕語明如翦

盧祖皋

正堤上柳花飄墮

章

小窗屏暖

顧

裏迴眸深屬意

李

脈脈兩蛾愁淺

陳

怕誤卻周郎醉眼

張濃睡覺來鶯亂語

馮

記簫聲淡白梨花院

周

山枕

膩牛語聲軟

張

馬嘶人語春風岸

馮

悞幾番芳音

遼絕

史

夢魂尋徧

李

風裏落花誰是主

李

但有舊

歡新怨

蘇軾

對晚景傷懷念遠

柳永

多少淚珠何限恨

李景

翠雛珠樹雙棲晚

蔡松年

春欲暮

溫庭筠

倦游冥

王粲

疎影

蛛絲和孫平叔雕雲詞韻

千迴百轉慣潛行繞徧畫闌深院密雨如篩漸似穿成
絡索明珠微炫落花舞過閒庭榭剩幾點殘英低冒記
連昌宮裏無人網得香塵都滿閒了舊時朱戶恰無
心揉損簾幙初捲一縷牽來將盡還抽不怕柔腸易斷
靈辰巧卜關心切憑祝向綺窗河漢到明朝鈿盒爭開
看取露華縈篆

夢橫塘

鷓鴣

倦隨鷓侶喜結鷗盟前身應是逋客雪羽襍褻拳一足
但消閒立曬徧漁梁踏開菱鏡水明沙白看一行飛去
漸上遙空青天路分煙碧 漂殘菰米魚苗贖江鄉活
計儘穀尋覓愛聳雙肩消受得露涼風急更誰解遙情
遠性只有閒雲似相識冷笑斜陽數羣鵝鳴就他家關
柵

更漏子

春暮

柳垂絲花吐纈記得早春時節曾幾日到園扉殘紅飛
上衣 惜芳菲恨離別分付杜鵑休說泥滑滑雨霏霏
今朝春又歸

鳳凰臺上憶吹簫

鼻藻香綃梨雲夢醒又捱一度春宵
認啼殘紅淚猶漬輕綃偷理芙蓉裙
袂渾不是舊日纖腰添幾倍相思
昨夜春病今朝河橋萬株楊柳早綠了
低枝青了長條望長安日下水遠天遙
一望銷魂一度能禁得幾度魂銷簷花
落燈前試聽雨又瀟瀟

巫山一段雲

岸柳吹成絮庭莎積作茵峭寒天氣又
黃昏獨自暗銷魂有月無人地多愁少
睡人梨花深院閉重門閒煞一枝春

浣溪紗 剪刀

似簇還開燕尾修，纔勝一握縮雙鉤。得來最快是并州。
剛是新年逢破日，春閨瑣事記從頭。時聞輕放綠窗

幽

又 熨斗

乍試燈前玉漏沈，柄斜想像夜橫參。算他功並搗衣砧。
除是美人能細意，層層消得皺痕深。最難平是小眉

心

全

德

字暢莊，漢軍鑲黃旗人。官兩淮鹽政。

點絳脣

題潯陽愛山樓

不厭頻看愛山樓外峰千朵淡妝濃裹好景平分可

遙指樓前多少雲帆過閒中課吟風相和翠竹青松我

儲夢熊

字漁溪秦州人官浙江鹽運司副使有余棲書屋詞

菩薩蠻

朝來幾陣黃梅雨綠窗暝色濃如許暝色送相思思君
君未知 當時離別意提起還如醉無語撥香篝新愁
和舊愁

減字木蘭花

雨淋一陣雲破月來微有暈金井梧桐葉葉蕭騷葉葉
風 銀花拋卻小試香羅蟬翼薄別自關情今夜新涼

枕畔生

湯攀龍

字漁村丹徒人
官黃巖總兵

唐多令

秋柳畫闌荒秋簾鏡檻涼不多時憔悴秋娘惱亂西風
偏作劇催燕子去雕梁 往事幾回腸歡場卽夢場再
藏嬌誰與平章小疊蠻牋憑慰藉知減盡近時妝

沈逢吉

字秋河錢塘人貢
生官蘭溪訓導

蝶戀花

送春

我欲留春春不住沈醉酣眠放卻春歸去枝上柳綿吹
作絮鷓鴣飛上相思樹 每歲春歸愁日暮到得春來

又是成虛度無可奈何風雨如殷勤祇把瓶花護

汪

瑚字海樹錢塘人
官新甯典史

木蘭花慢

借友人西山探梅

向江城趁步恰微暖換輕寒更紅綻疎香綠鬢冷豔欲
染溪山追攀兩三伴侶快登臨身已到仙寰低首同驚
倦眼數枝春亞闌干憑闌翠竹繞千竿遮不住晴癡
指雲邊微露江流一線帆影迷漫偷閒肯辭蠟屐只重
來春意怕闌珊坐久不知歸晚蒼煙忽鎖禪關

祝英臺近

乘月登清涼山坐江光一綫閣聽章渠
賓吹洞簫

月圓圍天尺五高閣聳雲際結伴幽尋到此渺身世倩

他曲曲紅闌森綠玉替圍住兔華如水 喚雲起瓊
簫聲度松扁玲瓏洗塵耳漏永山空衆綠靜疑睡便思
借閒閒僧好天良夜夜記親見幾人濃醉

汪

龍字聲玉錢塘人
官泰甯典史

祝英臺近

月夜游清涼山聽章渠賓吹簫

竹煙凝嵐翠合月已映厓曲一笑憑闌懷抱尙如昨只
須隨分琴尊玉簫低度指鬢影便消愁綠 漏聲促休
辭坐到更闌斗柄轉天角借我蒲團小住佛樓閣十年
別去西冷今宵歸夢又何處兩峰三竺

百字令

薺菜

乳豚爭美記閒堦
薙得空鐙曾煮一
帶裙腰芳草綠
忙煞鄰家兒女青
粉牆邊紅泥亭下
多是曾挑處
晨庖珍味間誰堪
可分與羨他一棹
江南時魚初上小
酌聽宵雨漫道論
斤曾說價
釘取春盤應許味
苦休嫌羹香試點
供餅增幽趣
山居祿厚故人喜
報豪素

俞

蛟

字青原號夢丁山陰人官廣東巡檢

祝英臺近

題王湘雲畫蘭

溯三湘滋九畹
幽谷素香滿
修禊良辰採向野巖畔
且休譜入琴絲
芸窗移對好付與寫生斑管
楚天遠幾番招取花魂
濡毫運柔腕
雨葉煙叢多少墨痕
浣但看

芳思盈襟餘芬微度也贏得夢魂清婉